

*Minister Michelle Hooyboer-Winklaar:*

## Siñamento no tin fin, no tin limite y no mester stop pa via di edad



**ORANJESTAD-** Diahuebs a tuma luga un evento special di Ministerio di Enseñansa hunto cu Departamento di Enseñansa unda a presenta un sin fin di diferente opcion cu ta disponibel pa tur persona cu kier sigui studia, kier siña habilidad relaciona na nan profesion of kier siña algo cu lo facilita pa nan un cambia di profesion. Den un ambiente ameno diferente instancia a presenta nan serviccionan.

Minister di Enseñansa Michelle Hooyboer-Winklaar, kende ta kere firmemente den e principio di Lifelong Learning ta splica cu e ta sali for di e punto di bista cu tur dia un persona ta siña algo nobo, sea ta for di un otro persona of via di otro medianan. Tin asina hopi chens y opcionnan pa sigui studia. Mas ainda, cu e era di avancen grandi den tecnologia cu nos ta bibando aden, informacion y oportunidadnan ta na disposicion di mayoria hende.

Pa sigui amplia su conocimiento y/of siña algo completamente nobo, e persona no necesariamente mester tuma un curso na Aruba mes, pero e por sigui diferente programa, seminario y curso, hasta estudionan completo, "online" tambe. Siñamento no tin fin, no tin limite y no ta stop na un cierto edad of nivel, e mandatario ta subraya. E ta agrega cu tin hopi informacion disponibel tambe riba e website di Departamento di Enseñansa, esta [www.ea.aw](http://www.ea.aw) pa esunnan cu kier cuminsa explora nan opcionnan.

Tambe presente durante di e anochi di informacion tabata e hefe di Asuntonan Educativo di Departamento di

Enseñansa, esta Sheila Maduro. Su departamento ta traha riba e tereno aki y por duna mas informacion na tur interesado. Minister Hooyboer-Winklaar ta comenta cu studiamento of siña algo nobo no ta solamente pa e persona cu kier adkiri un diploma pa un

e ta studia. E titular di enseñansa ta pone enfasis riba e factor aki, pues e sentimiento propio di orguyo y satisfaccion cu ta existi cerca e persona mes cu ampliacion di su conocimiento y habilidad. E ta aña cu e ta consciente cu tin un cierto duda, kisas cu e persona ta sinti su mes in-

cion bao di un solo dak y motiva participacion den enseñansa y siñamento. For di e punto di salida aki, esunnan cu a atende e evento, pero tambe esunnan cu ta lesa awo di esaki y ta interesa of ta bira interesa den Lifelong Learning, por cuminsa sondea riba e website di departamento di

sibilidatnan, Minister Hooyboer-Winklaar ta expresa, y sigui riba un caminda unda enseñansa ta sigui ta parti di bo bida. Los di e parti economico, di trabao, e parti personal menciona anteriormente ta sumamente importante, e persona tin mas satisfaccion den su bida pasobra e ta sigui crece.

Si wak hendenan cu ta sigui studia, nan ta mas contento, hustamente pa via atrobe di e factor ey: e satisfaccion personal, Minister Hooyboer-Winklaar a bisa enfáticamente.

Den transcurso di lunanan nos dilanti, lo sigui duna informacion tocante opcionnan y oportunidadnan pa siñamento y diferente sistema y programan cu ta pas cu e persona cu ta buscando esakinan.

Sheila Maduro ta conclui bisando cu siñamento no mester ta un obligacion, of algo cu ta wordo haci pa avansa den trabao, pero por ta algo leuk tambe; informacion y profesionnan, hasta, ta cambia lihe y ta bon pa sigui explora y haci uzo di oportunidadnan cu ta bin dilanti. Lo ta trahando riba mas programa pa hendenan adulto y ta pensando pa organisa mas presentacion manera esun di introduccion di diahuebs pasa. □



curso cu e no a caba 10 of 20 aña pasa, e no ta solamente pa e persona cu kier adkiri un certificado pa un curso pa e por haya un promocion nan trabao. Studiamento of siñamento tambe ta simplemente pa amplia conocimiento tocante di un topico cu ta interesante pa e persona, un estudio cu e ta identifica cun'e of kisas algo cu semper e kier a cuminsa haci como hobby of trabao parttime.

E otro beneficio grandi di siñamento, ademas di "trabao", ta e sentimiento di satisfaccion propio cu adkision di conocimiento ta trece cun'e; e sentimiento di seguridad y valor aña cu e persona mes ta sinti cu e tin of ta haya ora

sigur, hasta un poco intimidada pasobra e tabata pafo di scol pa asina hopi tempo, pero ta cosnan cu por wordo surpasa y e recompensa personal cu ta bin despues ta bal tur e esfuerzonan cu e persona haci pa surpasa su dudanan. E minister ta splica cu tin masha hopi opcion pa tur nivel di conocimiento y habilidad, tanto part time, full time, tin algun programa mas flexibel, otronan cu ta mas estricto. E decision importante ta pa tuma e prome paso y cuminsa busca kico e persona ta sinti cu e kier of e mester haci riba tereno di siñamento pa su trabao of su mes.

Cu e evento di siman pasa, e instancianan concerni kier a cuminsa na introduci tur op-

enseñansa, nan por yama departamento di enseñansa pa informacion of por cuminsa busca "online" tambe pa un estudio digital.

Tuma e tempo pa sondea po-

